

(...)

Arrentement faict [par] m(aître) pierre du ser a jehan yssieulaire  
de varenes /

ex / pat /

Le **septiesme novembre mil v<sup>c</sup> lxiij** regna(nt) tres c(hret)ien prince  
charles etc **a( )varenes** etc ez p(rese)nces de moy not(air)e soubz(sig)ne  
et tesmoingz bas nommes constitue [per]sonnellement m(aître)  
**pierre du ser praticien natif dud(it) varenes** quy de son  
bon gre etc a arre(n)te et [par] maniere d arrentement baille a  
**jehan yssieulaire dud(it) lieu** p(rese)nt etc scavoit est une piece  
de vigne qu( )il a **au vignoble de varenes lieu dict a s(ain)t m(ar)tin**  
[con]fron(tant) avec la terre d( )icell(uy) ser, avec la vigne de guill(aume)  
austry dict talheboy et ses au(tre)s [con]fron(tations) / lequel arrentem(ent)  
a faict et faict led(it) ser aud(it) yssieulaire po(ur) le temps et  
espace de troys annees et troys culhetes [co]menca(nt) a( )ce  
jourdhuy finissant [com]plectz lesd(its) troys ans a [par]eilh jour  
et moyenant une barricque vin blanc que led(it) yssieulaire  
a [pro]mis donner et paier ch(ac)un an dura(nt) led(it) temps a la feste  
sainct michel aud(it) du ser et aller f(air)e led(it) vin a la  
maison paternelle d icell(uy) ser de la mesmes vendenge  
que [pro]viendra de lad(ite) vigne laquelle icell(uy) yssieulaire  
a [pro]mis et promet cultiver et( )entretenir en bon pere de  
famille et la rendre plus tost faicte meilleure

xxx

que empiree fyny led(it) terme / et le susd(it) ser le  
f(air)e jouyr dud(it) arrentement / soubz obliga(ti)on de  
leurs biens etc ont renon(cé) a tout droict etc  
jure etc et requis instrument p(rese)ntz m(aître) guerin  
austry praticien jehan austry pere et filz de villemur  
et gerauld ratier de varenes et moy

Austry, tesmoing

J. DePinu, not(aire)